



Pou Biblikasyon Imedya: 24/10/2023

GOUVÈNÈ KATHY HOCHUL

**GOUVÈNÈ HOCHUL ANONSE KONSTRIKSYON AN FINI POU SERI PWOJÈ  
REZISTANS 104 MILYON DOLA A NAN KONTE MONROE**

**7.9 Milyon dola amelyorasyon nan egou sanitè nan Vil Hamlin, ap garanti sante  
publik**

**Yo te akòde apeprè 2.5 milyon dola bay komin Webster pou amelyorasyon nan  
destinasyon touristik popilè Pak Sandbar ak pou reyaliyen epi leve Lake Road**

**Li fè pati Inisyativ Rezilyans ak Developman Ekonomik 300 milyon dola pou Lak  
Ontario Eta New York la**

**2.4 milyon dola nan kad sibvansyon yon pwogram lokal pou revitalizasyon bò  
rivaj komin Webster pou amelyorasyon nan Pak Sandbar pou ogmante  
enstalasyon lwazi publik ak itilizasyon kominotè**

**Konplete envestisman istorik nan kalite dlo Eta New York.**

Gouvènè Kathy Hochul te anonse jodi a finisman yon seri pwojè rezistans nan vil Hamlin ak komin Webster, Konte Monroe. Ansanm, yo te akòde pwojè ki konplete yo apeprè 10.4 milyon dola finansman sibvansyon atravè [Inisyativ Rezilyans ak Developman Ekonomik](#) (Resiliency and Economic Development Initiative, REDI) Lak Ontario Eta a. Pwojè REDI sa yo ki konplete kounye a, ap diminye enpak evènman gwo dlo yo alavni lè yo amelyore epi pwoteje enfrastrikti idwolik publik ki enpòtan yo kont inondasyon ak pètibasyon, ede kenbe espas publik popilè tankou Pak Sandbar yo ouvè, epi asire deplasman sou tout Lake road san entèripsyón.

"Anpil kominote bò rivaj Lak Ontario te sibi efè chanjman klimatik la atravè gwo tanpèt ak evènman inondasyon istorik 2019 yo, men atravè pwogram REDI New York la, n ap fè envestisman estratejik pou rann reyon sa yo pi sekirize pou rezidan yo ak vizitè yo," **Gouvènè Hochul te deklare.** "Pandan n ap gade nan direksyon lavni, pwoteje moun k ap viv nan kominote sa yo se premye priyorite, epi pwojè rezistans bò litoral tankou sa ki fini nan komin Webster ak Hamlin yo ap ede diminye risk inondasyon, ranfòse sekirite, pwoteje espas lwazi publik yo, epi kreye enfrastrikti ki dirab."

An 2019, Lak Ontario te anrejistre nivo rekò dlo ki te wo ki te lakòz inondasyon devastatè nan kominote ki abite bò lak yo. Evènman sa yo te fòse fèmti wout an ijans, te lakoz degradasyon enfrastrikti publik, inondasyon ak pètibasyon sistèm septik, epi te restrenn itilizasyon publik destinasyon touristik ki popilè yo, ki te afekte sekirite publik ak ekonomi lokal yo nan fason ki negatif.

Anons jodi a genyen ladann:

- **Sistèm septik bò lak, komin Hamlin, prim 7,900,000 dola** - Rezidan sou tout bò lak komin Hamlin depann de sistèm dlo ize sou plas yo, oswa sistèm chan lesiv yo. Pandan peryòd inondasyon yo sistèm sa yo te vin pa efikas epi poze yon risk kontaminasyon potansyèl pou Lak Ontario Pou diminye risk sante pou itilizatè yo ak enpak negatif yo sou anviwònman an, pwojè sa enkli konstriksyon yon nouvo sistèm koleksyon dlo ize. Komin Hamlin te enstale 60,000 pye lineyè fòs kanalizasyon egou sanitè ak akseswa ki asosye yo (ki enkli estasyon ponp bwayaj endividiyèl yo) ki konekte plis pase 290 kay sou tout Lak Ontario a ak yon sistèm egou sanitè publik epi finalman nan Etablisman Tretman dlo Ize Northwest Quadrant Konte Monroe a pou tretman ak eliminasyon.
- **Lake Road (Pwent Iwès), komin Webster, prim 1,500,000 dola** - Lake Road se sèl mwayen aksè pou plis pase 70 kay ak biznis lokal yo. Wout lak la te manke yon sistèm egou dlo siklòn ki apwopriye epi li inonde pandan evènman tanpèt ak peryòd nivo lak la wo yo. Mezi pou diminye risk inondasyon pou pwojè sa enkli elevasyon ak reyaliyman apeprè 2,000 pye lineyè Lake Road ak enstalasyon yon sistèm drenaj fèmen ak debouche sou Irondequoit Bay. Pwojè ki fini an ap asire pasaj ki sekirize nan fason kontini pou rezidan ak vizitè yo alafwa, ansanm ak sekouris yo.
- **Pak Sandbar, komin Webster, prim 748,000 dola** - Pak Sandbar, yon pak vil la posede ki sitiye sou Lake Road ak aksè nan bò dlo a pou Lak Ontario ak Irondequoit Bay alafwa, se yon destinasyon popilè pou rezidan lokal ak vizitè yo alafwa toupatou nan Eta a. Pwojè sa enkli enstalasyon yon mi anti-inondasyon an mason ak stabilizasyon bèj vivan. Pwojè ki fini an ap pèmèt itilizasyon kontini pak la pandan moman dlo a wo yo, pou fè pwomosyon ekonomi touris lokal la.
- **Estasyon Ponpaj Dlo Ize (Wastewater Pump Station, WWPS) Sandbar, komin Webster, prim 250,000 dola** - Bilding kontwòl estasyon ponpaj dlo ize Divizyon Enjenyeri Sandbar nan Depatman Sèvis Anviwònmantal Konte Monroe (Department of Environmental Services, MCDES), ki enkli yon jeneratris de rezèv ki te konstui nan yon levasyon ki vilnerab pou dlo antre nan Irondequoit Bay pandan moman inondasyon yo. Pou diminye risk inondasyon alavni, yon nouvo mi anti-inondasyon an mason te konstui bò estasyon ponpaj la pou anpeche dlo a koule dirèkteman nan bilding lan epi domaje ekipman elektrik ak mekanik.

**Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare**, "Atravè pwosesis REDI a, Eta New York te deplwaye ekspètiz ak asistans teknik ki nesesè pou rekonstui kominote litoral yo nan fason ki pi entelijan epi pi solid ke anvan, ki poze baz pou kolaborasyon eta ak kolaborasyon lokal. Jodi a make yon etap enpòtan pou pwojè sa yo

epi afime angajman Gouvènè Hochul pou ede prepare kominote Lak Ontario yo pou kondisyon meteyolojik ekstrèm ki lye ak klima alavni yo."

**Sekretè Deta Eta New York la, Robert J. Rodriguez, te deklare**, "Komin Hamlin ak Webster te konnen inondasyon ki enpòtan an 2019 ki te lakoz domaj enòm nan litoral vital yo ak enfrastrikti piblik yo. Atravè pwojè ki komplete yo ki finanse atravè pwogram REDI Eta a, nou pa t sèlman repare domaj sa, men nou te rekonstui kominote bò lak yo pi byen epi pi rezilyan ke yo te ye anvan. Pwojè sa yo komplete tou angajman depi lontan Eta a ak Komin Webster atravè Pwogram Revitalizasyon Bò Dlo Lokal nou an, ki enkli yon sibvansyon 2.4 milyon dola pou amelyorasyon nan Pak Sandbar."

**Prezidan, Direktè Egzekitif Jeneral ak Komisè Empire State Development lan, Hope Knight, te deklare**, "Pwojè rezistans kont inondasyon Konte Monroe yo se dènye nan anpil sit REDI ki reyisi k ap ede pwoteje kominote bò dlo yo kont domaj inondasyon yo. Komisyon REDI Gouvènè Hochul la fyè pou estimile biznis Konte Monroe yo ki depann de yon endistri touris ki dinamis lè li komplete pwojè ki enkli levasyon yon wout pou pwoteje kont inondasyon, k ap amelyore yon pak, epi mete yon estasyon ponpaj a nivo pou anpeche domaj kont dlo inondasyon yo."

**Komisè Depatman Transpò Eta New York la, Marie Therese Dominguez, te deklare**, "Enpak prezan chanjman klimatik la vle di ke kounye a, plis ke jamè, sante ak byennèt kominote nou yo lye ak rezistans enfrastrikti nou yo, epi jodi a nou te ede asire siksè alavni Konte Monroe. Tout kominote sou rivaj sid Lak Ontario yo konnen twò byen enpak devastan inondasyon ka pote. Se poutèt sa, sou lidèchip Gouvènè Kathy Hochul, pwogram REDI a kontinye livre envestisman ki ranfòse enfrastrikti nou, pwoteje rezidan yo, epi sekirize vitalite alontèm ekonomi reijonal nou yo."

**Komisè Pak Eta New York la, Erik Kulleseid, te deklare**, "Lwazi anplennè vital pou touris ak kalite lavi nan kominote Lak Ontario yo. Mwen aplodi komin Webster ak patnè ajans eta nou yo dèské yo travay ansanm sou pwojè yo pou asire ke Pak Sandbar aksesib epi fyab pou kominote a."

**Komisè Depatman Travay Eta New York la, Roberta Reardon, te deklare**, "Mwen remèsyé Gouvènè Hochul pou sipò kontini li nan retablisman kominote nan rivaj Lak Ontario yo. Lè nou envesti nan enfrastrikti, n ap asire ke kominote yo ka rete fèm pandan evènman katastwòf natirèl alavni yo."

**Senatè Eta a Robert Ortt te deklare**, "Youn nan divès rezon ki fè distri mwen reprezante a tèlman espesyal se kominote inik ak pitorèsk sou rivaj Lak Ontario yo. Li esansyèl pou nou asire ke kominote sa yo resevwa enfrastrikti ak envestisman ki enpòtan anpil pou asire ke yo fòtifye kont ogmantasyon nivo dlo alavni yo ak menas pou sante piblik la jan nou te obsève nan ane resan yo. Mwen fyè dèské mwen te ede sekirize finansman sa pou kominote sa yo ak rezidan yo ka rete an sekirite kont katastwòf natirèl alavni yo."

**Senatè Eta a, Samra Brouk te deklare,** "Pliske kominote nou an kontinye santi efè chanjman klimatik la, li vital ke nou kontinye fè envestisman ki ka pwoteje kominote nou yo kont rezulta evènman meteyolojik ekstrèm yo. Pwojè ki selebre jodi a yo fè pati enpòtan nan travay kontini sa, epi mwen pa ka tann pou kontinye travay mwen ak patnè mwen yo nan gouvènman an pou asire ke New York rete yon lidè pou chanjman klimatik la."

**Manm Asanble Stephen Hawley te deklare,** "Nou kontan pou wè achèvman pwojè REDI a nan Hamlin. Mwen te obsève domaj inondasyon lakoz nan rejyon an ak pwoblèm sante publik sa kreye. Mizajou sa yo nan sistèm evakyasyon dlo ize yo te tèlman nesesè epi y ap kontribye anpil pou pwoteje kominote nou an."

**Manm Asanble Brian Manktelow te deklare,** "Pwojè sa yo se yon etap ann avan ki enpòtan pou amelyore enfrastrikti bò Lake Road nan komin Webster. Mwen aplodi Sipèvizè Flaherty ak Konsèy Komin nan dèské yo prioyize pwojè sa yo k ap amelyore sekirite publik ak ekonomi lokal la lè yo diminye inondasyon epi fè pwomosyon touris. Se yon gwo etap pou ede sitwayen Webster yo bliye inondasyon 2019 la ak konba pou asire ke nou pa reviv sa ankò."

**Kad Egzekitif Konte Monroe, Adam Bello te deklare,** "Lè nou diminye risk enpak chanjman klimatik la lè nou ranfòsse enfrastrikti nou yo, se sa ki bon pou nou fè," Kad Egzekitif Konte Monroe Adam Bello te deklare. "Kominote bò rivaj nou yo merite etablisman ak enfrastrikti premye klas ki ka reziste pandan tanpèt ak nivo dlo ki pi ekstrèm nan Lak Ontario ak Irondequoit Bay. Mesi Gouvènè Hochul ak patnè ajans Eta nou yo dèské nou rekonèt bezwen sa yo nan Webster ak Hamlin epi fè envestisman ki byen panse pou pwoteje Pak Sandbar, Lake Road ak Estasyon Ponbaj dlo ize Sandbar la epi elaji sèvis egou publik la sou Parkway Lak Ontario a."

**Sipèvizè Komin Hamlin, Steve Baase te deklare,** "Pwojè egou septik Lakeshore a te yon gwo rekòt ki te rann li pi fasil pa patenarya ak Eta New York la epi ak èd Ekip REDI a. Nouvo enfrastrikti a ap pi solid epi pi fyab pandan moman inondasyon yo, ki enpòtan anpil pou sante ak byennèt rezidan sou rivaj lak la."

**Sipèvizè Komin Webster, Tom Flaherty, te deklare,** "Mizajou ak amelyorasyon ki fèt nan espas Pak Sandbar yo ap benefisyé tout kominote a pou ane k ap vini yo. Objektif pou kreye yon 'destinasyon' nan Webster te reyalize nan de ane ki pase yo. Inondasyon p ap yon enkyetid ankò epi aksè nan tout pak la ap bay nenpòt moun ki swete vizite, opòtinite pou pwofite de peyizaj Lak Ontario ak Irondequoit Bay alafwa."

Nan repons ak chema inondasyon pwolonje nan tout bò rivaj Lak Ontario ak Rivyè St. Lawrence yo, Eta New York te kreye REDI a pou ogmante rezistans kominote sou rivaj yo epi estimile devlopman ekonomik nan rejyon an. Yo te etabli senk (5) Komite Planifikasyon Rejyonal (Regional Planning Committees) REDI yo, ki gen reprezantan ki soti nan uit (8) Konte (Niagara ak Orleans, Monroe, Wayne, Cayuga ak Oswego, ak Jefferson ak St. Lawrence) pou idantifye prioyite lokal yo, enfrastrikti ki gen risk ak lòt resous yo, ak enkyetid konsènan sekirite publik la. Atravè REDI a, Eta a te angaje jiska

300 milyon dola pou benefisyé kominote yo epi amelyore rezistans nan reyon sou tout Lak Ontario ak Rivyè St. Lawrence yo.

Depi kreyasyon pwogram REDI Eta a nan sezon prentan 2019, 134 pwojè lokal ak reyonal ki finanse pa REDI ankou, tankou 28 pwojè ki nan faz konsepsyon, 30 pwojè ki nan faz konstriksyon, ak 76 pwojè ki fini.

Anplis prim REDI yo, yo te bay komin Webster 2,282,859 dola sibvansyon ki soti nan DOS atravè Fon Pwoteksyon Anviwònmantal 2021, Pwogram Lokal pou Revitalizasyon Bò Dlo (Environmental Protection Fund Local Waterfront Revitalization Program, EPF LWRP) pou itilize pou amelyorasyon nan Pak Sandbar. Nan kote bò rivyè pak la, nouvo paking, twalèt publik, yon espas rankont publik, ak yon espas jwèt natirèl pou timoun, ki konekte ak yon pwomnad bò lak la ap konstui. Nan bò bè a, nouvo kè flotan, yon lansman kayak ki aksesib, pelouz ouvè, epi nouvo enstalasyon paking ap konstui. Tout amelyorasyon sa yo ap bay aksè ki amelyore epi kreye yon espas ki akeyan pou rezidan ak vizitè yo menm jan.

DOS te bay komin Webster yon sibvansyon EPF LWRP pou 118,000 dola pou konplete konsepsyon amelyorasyon Pak Sandbar yo.

Pou w jwenn plis enfòmasyon, pwofil pwojè yo ak nouvèl sou REDI klike [isit la](#).

### **Envestisman nan Kalite Dlo Eta New York**

Anplis REDI, Eta New York ap fè lòt envestisman rekò pou amelyore enfrastrikti dlo epi ogmante kalite dlo a. Bidjè 2023-24 ki te adopte a genyen ladan I 500 milyon dola nan finansman dlo pwòp, k ap mete envestisman total Eta New York nan enfrastrikti dlo pwòp nan tout eta a, a 5 milya dola depi 2017. Nan Basen Gran Lak New York yo, finansman - prensipalman atravè State Environmental Facilities Corp. - ki te bay apeprè 2 milya dola sibvansyon (ki soti han Lwa sou Enfrastrikti Dlo ak Amelyorasyon ak fon Sibvansyon Entèminisipal) ak finansman a bon pri pou 615 pwojè diferan Eta New York. DEC te bay yon lòt 258 milyon dola pou plis pase 280 pwojè nan reyon an.

Anplis, elektè New York yo te apwouve Lwa sou Obligasyon Anviwònmantal pou Dlo Pwòp, Lè Pwòp ak Travay Ekolojik 4.2 milya dola a an novanm 2022. Gouvènè Hochul ak Lejislati Eta a te ogmante obligasyon anviwònmantal la de 3 milya dola a yon nivo rekò 4.2 milya dola ki fè li vin pi gwo obligasyon nan istwa eta a epi premye nan New York depi 1996. Lwa sou Obligasyon an fè avanse nivo finansman istorik pou modènize enfrastrikti dlo ki ansyen yo epi pwoteje kalite dlo; ranfòse kapasite kominote yo pou yo reziste kont gwo tanpèt ak inondasyon, redwi polisyon nan lè a epi diminye emisyon ki chanje klima; retabli abita yo; prezève espas deyò ak fèm lokal yo; epi asire ekite pou envesti omwen 35 poustan, avèk yon objektif 40 poustan, nan resous nan kominote defavorize yo.

Nan Diskou sou Sitiyasyon Eta a an 2023-24, Gouvènè Hochul te lanse Ekip Asistans Kominotè yo tou pou elaji pwogram asistans teknik Sosyete Enstalasyon Anviwònmantal (Environmental Facilities Corporation, EFC) Eta yo epi ede ti kominote

riral ak kominate ki defavorize yo ogmante finansman sa a pou adrese bezwen enfrastrikti dlo pwòp yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)